



Comunu de Pauli

COMUNU DE PAULI
TZITADI METROPOLITANA DE CASTEDDU

CRÈSIA DE SANTU VALERIANU E CÒCIU DE SANTU LORENTZU.

In bia Deroma ddoi est una cresiedda chi, po mori de essi pitica, est nomenada oratòriu.

Fata in su 1907 de sa famìllia Spiga cumentu capella privada, faci a sa domu, oi est imperada de is Mòngias de “Maria Bambina”.

Tenit una pranta retangulari cun bòvida “a botte” afrescada. In s’altari ddoi est una stàtua de Santu Valerianu.

In s’oratòriu ddoi est cussa de Santu Lorentzu in linna. Comperada in su 1850, totus is annus benit ingota in processioni po sa festa de austu in d-unu còciu dorau.

Su còciu de Santu Lorentzu, est stètiu cumissariau de Valerianu Spiga in su 1903, e fatu in sa butega de su maistu de linna de sa Ditta F.lli Cau, in bia Sonnino in Casteddu (a su costau de sa caserma bècia de is VV.FF. innui oi ddoi est su palàtziu de is ufizius comunalis) cun progetu de s’arch. Efisiu Spiga.

S’òpera est giai ugualli, po cumentu est fata e sa tènnica imperada, a-i cussus fatus in su XIX sèculu copiendi modellus de su Sexentus, carrotzas doradas de is urreis, imperadas po is festas e ne is ocasionis ufizialis de rapresentàntzia.